

Aber die kein schmelzofen habēdt / die selbigē so jr tagwerck volbracht / werffendt sie des abends die matery in die tōpffen / welche zūnacht geschmelzt flüssig vnd zū glas wirt. Zwen Knaben aber halten tag vnd nacht / einer vñ den andern das feur mit dūrrē holz / so in den herdt gworffen. Aber denen nuhr ein ofen ist / die gebrauchē disen ofen / 8 auß dreyē gwelben gmacht ist / dan wie die nächste die matery zū abent in die tōpffen werffendt / aber des morgens so die gallen abgezogē / machendt sie das glaswerck / welchs sie wie die andere in das oberst gwelb behaltendt. Aber der ander ofen / er habe nuhr zwey oder drey gwelb / vnd auch der erste / sollen auß vngebrandten zieglen an der Sonnē gedörret gmacht sein / welche auß der erden gestrichē / die nicht leichtlich flüssig / auch nicht zū puluer werde / vnd die von jhrē steinlin gseubert seye / vnd mitt knebeln geplüwt. Es sollē auch die ziegel ebē mitt diser erdē an des kalchs statt / darzwischen verstrichē werdē / auß 8 selbigen sollē die tōpffer jhre gschir vnd tōpffen machen / vñ die selbigē am schattē tröcknē. So nuhr zwey teil außgricht seindt / ist noch das überig. Ein glessin stuck / in dē erstē ofen / mit diser weiß wie ich gesagthab / außgmacht / vñ gebrochē / sollē die helfferknecht den anderē ofen wermē / daß sie die brochene stuck widerüb schmelzēdt. Diweil sie aber dises thündt / so werdē vnd dessen die tōpffen in dē schmelzofen erstmal mitt ein langsamē feur warm / daß sie die feuchte von sich gebendt / darnach mitt ein sterckern / daß sie gederrēt rot werden / bald thündt die glasmacher dessen aug auff / vnd legendt die tōpffen mitt zangen gefasset / so sie spelt habendt / als bald in den glasofen / vnd so widerumb heiß worden / füllendt sie die selbigen mitt zerbrochenen stucklin / des glesinen stuck's oder glasses / darnach verstreichendt sie alle fenster mitt leim vñnd ziegel wol zū / doch also / daß an ein jetlichen ort zwey fensterlin frey standendt / von welcher einē sie hinein sähen / vnd mitt ein vor das glas empfangendt / das die tōpffen in sich haltendt / in den anderen legendt sie die andere rōren / daß sie warm werdē / seindt aber beide messin / od kuppfferin / od eisern / drey erwerck schüh lang. Es wirdt auch vor dem fensterlin ein stuck Wärmelstein in bogen glegt / in disen widerumb die erdt so zūsamē getragen / vñnd das eisen / diß helt das vor so in ofen gelassen ist / das sehne aber bewart die augen des glasmachers vor dem feur: vñ so dise ding alle ordenlich geschähē / so greiffendt die glasmacher das werck zū volbringen an. Aber die brochene stuck schmelzendt sie widerumb mitt dūrrē holz / die kein rauch / sonder nuhr ein feurflammen von sich gebendt / vñnd ie lenger sie es schmelzendt / je mehr auß ihnen die arbeit reiner vnd durchsichtiger wirt / vnd dest weniger flecken oder bleßlin gibet / zūletst auch die glasmacher jhr werck dester leichter außrichten. Derhalben welche die matery darauß glas gemacht wirt / nuhr ein nacht schmelzendt / vñnd als bald darauß glesene werck machendt / die selbigē seindt nicht so rein noch so håll vñnd durchsichtig / dan die erstmal ein stuck glas machendt / darnach seine brochene stucklin / tag vnd nacht widerumb schmelzendt / vnd diese machendts auch nicht so rein vnd klar / als die zwen tag vñnd zwo nächte die selbigen widerumb schmelzendt / dan des glas güte sthet nicht allein in der matery / darauß es gemacht wirt / sonder auch im schmelzen. Aber die glasmacher nemmendt oft die prob durch rōren / vnd so bald sie vermerck / daß die bruchstücklin / so widerumb geschmelzet / genügsamlich gseubert seyendt / so nimpt ein jeder mitt der anderen rōren / so ins tōpffen glassen / vnd ein wenig vmbgetribē / das glas welchs wie ein zäher vñnd läblicher safft sich an dise henger / vnd zwar wie ein Kugel. Er nimpt aber so viel als viel ihm zū disem werck das er vollbringen will von nöhten seye / diß so in Wärmelstein getruckt / wertzet er hin vnd wider vmb / daß es zūsamē komme / vnd so er durch die rōren blaset / blaset er solchs wie ein blasen auff / welche rōr / so er oft darin bleßt / müß aber gar oft vnd dick darin blasen / er als bald vom munde am backen thüt / auß das er nicht dē feurflammen so der ahtem an sich gezogen in munde ziehe / bald so er die rōr hinweg

gethon /